

մե՛նք յաւիտենական խղճուկ ճամբորդներ: Ու մեր կեանքն ընթանում է միշտ մեզնից ծածուկ արահետներով, որ կարծում ենք թէ մենք ենք դժեւ:

Քանի՛ քանի անգամ եմ տեսել այս Piazzaza-ն ու միշտ նոր պատրուակով, բայց իրօք հոգուս խորքերում շարունակ հնչուել է մի հատիկ մոզական բառ — Armenis!... Ամբոխի եռուզեռ, կառքերի դղրդիւն, լրագրափաճառների կանչուընտուք, փոշի, հրմըշտուք, ու ես մենակ այս հրապարակի կեդրոնում հայեացքս շեշտ՝ դէպի այս կախարդիչ սիւնը:

Ի՞նչ դիւթանք, ի՞նչ գողտրիկ երազ, ի՞նչ փառք, որ դարերի խորքից է բարձրանում այս ժպտուն երկնքի տակ, մարդկային այս ժխորի մէջ: Մտերիմ հարազատի պատկեր, որ յանկարծ ցցւում է առջեւդ. պառաւած մօրդ քայցրիկ օրօր, որ այս անգամ հնչում է որպէս երկնային մեղեդի: Հոգիս հնազանդ այդ ձայնին՝ բնաւեր թռչունի պէս կծկւում է պողմարմարին՝ հին յուշերի ջերմութիւնով տաքանալու համար: Իմ հայրենի օճաղի մոխիրներն եմ խառնում. կարգում եմ նորէն ու նորէն:

Armenia!... Իմ անո՛ւշ, ի՛մ անմահ հայրենիք, որ մի օր Հոռոմի ահեղ զօրութեան հետ չափուեցիր: Եւ ո՞ւմ դէմ չճակատեցիր. ո՞ր աշխարհակալի, ո՞ր բռնաւորի դէմ չճառացար քո արդար, յաւերժապէս պայծառ խղճմտանքի եւ քո անրիժ բազուկների ազատութեան համար: Armenia... Իմ դըժբախտ հայրենիք, մղձաւանջ է մեր ներկան այնքան փառքերից յետոյ, ամօթանք է մեզ ապրող սերունդներին...

Այս ո՞ւր հասանք: Հոռոմի հետ զարկուող հայր բարբարոս թուրքի երեսից արար աշխարհում գլուխը դնելու տեղ չունի:

Armenia, Armenia («ահեղ եւ երեւելի»\*) հսկաներից մնացած Armenia երեսուն դարերի միջից հնչուող դիւթական երաժշտութիւն...

\* \* \*

Շուրջն հեւքոտ կեանքը մեծ քաղաքի ետում է ու տնքում ցաւազարի պէս: Իր երէկն

ու այսօրը իրար խառնած այս ժողովուրդը ինչ որ ջլախառուոր դող ունի, որ ցնցում է նրան երազուն ու յանդուգն իղձերով: Հայրենի աւերակների ձայնին հնազանդ դէպի արեւելք են դարձած շատ հայեացքներ: Անցորդները ողջունում են իրար կատոնների, Պոմպէոսների եւ Կեսարների պէս՝ աջ բազուկը դէպի հեռաւոր հորիզոնը տարածելով: Թիկունքիս Consulta-ն է՝ արտաքին գործոց նախարարութիւնը, ուր երկաթէ մկաններով մի մարդ է նստած՝ հարուստ ու հզօր ծնօաներով ու բրոնզէ կամքով, որ արեւմուտքին բուռնցք է ցոյց տալիս, արեւելքին ժպտում... Գիտեմ, Անգորայից դիւական գործակալներ են հասած, ողջ Առաջաւոր Արեւելքը պղծելուց, աւերելուց ու արիւնոտելուց յետոյ շտապել են նոր Հոռոմ, հին հոռոմէական բազուկի այս ողջոյնի իմաստը հասկանալու...

Մխքս դարձել է յորձանուտ մի դետ, որ «դորիւ, դարիւ» զարկուելով իր ծիւանքների մէջ տանում է այնքա՛ն փառքեր ու այնքա՛ն փլուզումներ: Յաղթական վերելք ու աղէտաւոր անկումն, ռազմական խոյանք մրրկաչունչ երիվարներով եւ պատմութեան կսկիժ. նոր կորովի եւ նոր կեանքի փթթումն թշնամիների զերեկոմանների վրայ եւ բարբարոս խաժամութեանի նոր աւերած... Եւ ազդերը շարաններով անցնում են աչքիս առաջից մրրկով տեղահան եղած անտառների նման եւ սլանում են մեր աշխարհի վրայով՝ մերթ խորտակուած, մեր բանակների հարուածների տակ եւ մերթ յաղթական մեր թիկունքի վրայ քայլելիս: Աշխարհում չկայ աւելի ողբերգօրէն մեծ եւ խորութեամբ ահաւոր, ալեկոծումներով չչմեցուցիչ եւ ցեղային կամքի ջլապինդ գալարումներով՝ հարուստ ու երկաթէ կորովով դարնուած մի ապշեցուցիչ պատմութիւն քան մերն է:

Հայոց աշխարհի կեանքի ընթացը չափն է տիեզերական պատմութեան: Ազդերի ամբարը շտուկութիւնը ու նրանց շարժումների ներքին արժէքը մեր աշխարհում ի յայտ եկաւ:

Անգորայի գործակալներ են հասած Հըռոմ...

Մեր ոսկիամայր Անահիտի ոսկէ արձանը փշրող հոռոմայեցի զինուորը ըստ աւանդու-

\*) Խորենացի: